

明治名家詩選

中

柳田文庫

文庫11

A1190

2



文庫11  
A1190  
12

柳田泉文庫

明治名家詩選卷之中

錦原桑者城井國綱修纂

毅堂先生鷺津宜光

字重光尾張人寄住東京

題小楠公如意輪堂和歌拓本

好。色。人。所。欲。帝。錫。寵。姬。不。肯。娶。性。命。人。所。重。帝。諭。  
生。還。不。肯。顧。獨。奉。遺。訓。志。愈。堅。隻。手。欲。撐。半。壁。天。宜。入。  
虎。穴。探。虎。子。勇。往。自。喻。箭。離。弦。維。昔。正。平。二。年。春。一。門。  
精。兵。三。千。人。我。目。所。注。巨。魁。耳。怒。馬。急。槍。疑。鬼。神。巷。戰。  
卅。合。向。無。敵。衆。力。同。心。一。當。百。猛。如。獨。鷄。驅。群。鳥。賊。軍。

毅堂

明治名家詩選卷之中



蜂擁望風北。順逆不判天。苾苾興衰運。殊力空強。出師  
豈逆觀利鈍。一死復言無遺恨。武穆曾刺肩背。涅信國  
既製衣帶贊。嗚呼公風聲義烈。與日星河嶽並存。奸雄  
制勝一時安。得掩其隻句。片言如意。朝芳山巔。鬼呵袖  
護五百年。何人好古拓一紙。分明尚見鏃痕全。字兮何  
峻厲。即是當日戰鋒銳。墨兮何黯黹。即是當日陣雲駢。  
君不見西海之裔壽安峰。摩石十丈倚蒼穹。紊亂名義  
無忌憚。文奸偽飾擬登封。豈思身後禍亂結。海內四分  
又五裂。榮示十歲竟何如。榮示十歲碑中語家與碑版俱斷滅。  
果知天定靡不勝。誰據夷蹠疑報應。

谷口寓居

晴色排樓晚更妍。高欄移坐倚西偏。僧鐘叩上前峰月。  
僮鍾穿來後圃烟。小病無名春中酒。長齋有社夜談禪。  
清閑殊覺寓公好。塵影茶香證舊緣。

寄題大石良雄手植櫻

人是武士花是櫻。此花此人洵相當。芳根託在忠臣宅。  
并得二美名聲揚。其樹雖存其人沒。每遇東風思遺烈。  
國民敬愛戒剪拜。爛然依舊花如雪。想見當年襲仇家。  
道途一白欲沒鞞。血體在手紅滴滴。雪觸刀尖碎如花。

詠明季諸賢 節二

毅堂

明季諸賢 毅堂

香衾一夜伴名姝。光霽襟懷跡不拘。具眼何惟紅拂妓。  
也從。鼾睡認真儒。黃周道

絕島天南半壁開。將軍此處駐行臺。朝門一炬焚儒服。  
吹起朱家餘燼來。鄭成功

客舍逢春

晴旭籠松欲起烟。海南春色酒樽前。逢迎到處忘為客。  
得失從來懶問天。志學老蘇如昨日。出廬諸葛在明年。  
吾曹謀事盡兒戲。低首古人慚九泉。

咏史節二

獬豸逞志諍臣疎。國脈當時縷不如。公也傍觀空袖手。

多年留學讀何書。

楠公進死藤公隱。易地皆然奈二忠。其咎歸誰悔何及。  
行宮春老落花風。

次廣瀨青村見贈詩韻却寄代天山藤森翁

觀光將半歲。孤劍滯江關。幽鳥非移宿。閑雲偶出山。學  
唯期實際。詩既入無間。或綴傷時語。長嗟淚有潛。

拉池田琴嶺遊館山歸路過延命寺吊里見氏墓  
村鄧櫛比成街衢。井然猶見舊規模。相攸雖僻形勢好。  
魚鹽占利據海隅。故侯誰歟里見氏。其勇其謀昔無比。  
不象楚國三戶怨。却類少康一旅起。江南半壁別乾坤。

逐鹿何嘗向中原。龍騰虎躡渾不省。總山房海我獨尊。  
豈知白水真人出。掃盡妖氛捧隻日。英雄割據遂已矣。  
百川朝宗悉歸一。昨日海隅今關中。鏡浦水與江門通。  
此境即是卧榻側。他人鼾睡寧可容。我來憑吊興亡跡。  
婆心為畫當年策。盡學錢俶與竇融。封他府庫獻地籍。  
縱然不能得大封。李孟之間必待公。絕島幽死自招孽。  
見機遲緩奈其蠢。九世靈龜何處託。唯有殘僧守蘭若。  
豐碑石馬沒寒烟。牧童敲火牛觸角。君不見列侯邸第  
高入雲。笙歌聲沸太平春。此儕何以介景福。歸順早知  
有德人。

悼亡

三尺孤墳蕭寺雨。幾群旅雁暮江雲。一年兼作死生別。  
昨送阿恭今送君。弟恭以今年七月歸故鄉

墨江雜詞

江頭春早未繁華。小艇繫時殘照斜。東風青閃竿竿影。  
近水樓臺半酒家。  
前灣撐入落潮初。一半分舟與老漁。罩罩順流收手緩。  
花紅揜映水晶魚。

大石歌

大石大石何巖負。欲抗將軍拔山力。將軍一喝虬髯張。

毅堂

月台石室詩選卷中

四

長繩百尺引石路。千轉萬輾輕於丸。直從城南達城北。  
冥頑安得克忠誠。樓閣跨背聳如翼。君不見主計頭清  
正文字。大書準擬燕然勒。萬古千秋留英名。日炙雨浸  
泐不得。

中秋

斷續賓鴻聲轉酸。北邊霜早已催寒。可憐今夜團團月。  
數口一家三處看。

入京

中書傳詔滯京華。散地精神老逾加。出岫殘雲歸不得。  
隨風搖曳上林花。

春初偶吟

素衣凍盡劫餘塵。今日平頭五十春。枕上青山空入夢。  
鏡中白髮太催人。雲烟過眼仍微累。鷄犬昇天亦夙因。  
我與梅花幸無恙。清癯葆得老精神。

寄題鶴姓野人古松流水棋屋次主人韻二節

常用四脚盤。只着一黑子。法傳自圖南。長夏脛不起。西  
嶺金烏沉。早涼冷於水。

叉手籠雙袖。偶坐澹思詩。蟲聲秋如雨。深林月出遲。客  
歸收亦懶。窓虛閣殘碁。

喜諸同人見過席間賦似

明治名家詩選卷中  
喜個同心載酒隨。梅花小閣暖回時。說人方便參儒佛。  
遺興工夫托畫詩。猶有舌存天或牯。不知老至我真癡。  
山屏排列春燈外。自笑批顏稱本師。

次小野侗翁湖上新居韻

境占繁華冷澹間。不用多事買青山。酒樓蕭寺連園墅。  
高柳低花水一灣。

論詩篇贈富鈴二生別

維昔謾園唱王李。籠罩後進占吟壇。四海靡然遂成風。  
盡是優孟裝衣冠。當時蛻巖獨異撰。性靈早已開天寬。  
何事後起僧六如。唯尚清新事彫鑽。空疎之徒爭和之。

淵已不清未益涸。風雅却為輕薄歸。沿道今日豈堪觀。  
嗚呼一變再變亦極。蟬噪蛙鳴滿耳。誰吾曹微力不。  
自揣擬將隻手迴倒瀾。越國兩生今俊秀。連翩擊空蒼。  
鷄搏既與時流別。薰蕕豎幟中原原。非難其如瓜期棄。  
我去一朝坐發失臂嘆。窈從回路義贈別以詩訣。何吝。  
倒吾困為掉廣長舌。命意不出題一成案如鐵。撰字必。  
合体按部各就列。魄力要雄大神韻貴超絕。藻繪是膏。  
飾平易未必拙。若尋關挨子映媚在點綴。烟波杳無限。  
自然妙曲折。峰巒當面聳。突兀疑神設。真氣浸骨髓。風。  
露清蛩咽。一點不存滓。秋陽暴皜潔。豈是枵腹足共論。

根抵深而枝葉繁。上湖葩經楚騷昭明選。下參三唐若  
宋元。旁及明清靡不該。淹有衆美立脚跟。理合天人旨。  
敦厚組織在我機。杼存抑揚高下與長短。取之左右逢。  
其原君不見世間多少稱作家。湯夸一吟經千磨。鏤心  
剗腎雖然巧。本之則無奈彼何。

虞人獻山豬圖

水竹居席上以本月十日當女  
諸節分十日二字為韻得十字

維時玄冥執權初。陰氣凝結天色澁。節近上亥徵豬肉。  
虞人奉命山林入。鐵槍在手一丈餘。全身輕便穿袴褶。  
豬也唐突進無前。雙牙磨劍成人立。性命此時如復水。  
一擊若謬力難攝。獻獲天厨効臣職。龍顏有喜催醺集。

玉碗盛來映金筋。鮮肉如華桂和汁。割烹唯恐適口難。  
犯死奉職誰知及。嗚呼前聖後聖揆非一代以團餅中。  
允執虞人閣槍餅師忙。紅綾包米色如濕。無復一肉役。  
衆人誰道澆季多弊法。團餅能存告朔羊。何惜豪奢拆  
為十。

寄懷江戶諸友

風太溫和日太妍。花期合在襖辰前。天紅冶翠春深淺。  
夢遶香巖色界天。

湖上逢雨

一鞭衝雨傍湖還。指顧春雲變幻間。此際合成南北畫。



將軍樓閣米家山。

送松浦子重赴蝦夷

去若疾風來電光。雙鞋任汝破天荒。黑龍江口途窮處。憑吊當年涼九郎。

送島信叔歸豐後

吾黨島信叔。貌古心亦古。讀書通大意。分寸不欲割。嗶  
嗶古之狂。將附琴張侶。一見奇其人。定交到爾汝。都門  
周旋僅一暮。道是倦遊決然歸。春風澹沱墨水淡。無情  
鶯花含淒其。黨錮詩案何代無。書生往往投禍機。便知  
今日廢中權。鴻飛冥冥誰得追。祝君全惜君去。休辭花

前酒一卮。

谷中臨江院吊蒲生君平墓

夕陽經過古梵臺。殘碑突兀蝕春苔。絕代偉人慷慨士。  
骨雖已埋名不埋。此公志業在經國。尊王攘夷言太直。  
魯連踏海非激論。賈誼建策多太息。當時翁力誰鋪張。  
建武遺民彥九郎。書生身輕片言重。幾卷著作持人綱。  
學士今日知名義。推所繇來皆其賜。天將水鐸付二公。  
餘烈百年遂不墜。吾黨間生奇男兒。春秋致祭無人知。  
嘗思二公同體士。為刈草萊建雙碑。老儒文章本絕妙。  
宣揚幽德光逾耀。大書深刻無無窮。準擬潯陽巡遠廟。

吾來躊躇欲黃昏。髮鬢有影來靈寘。一瓣燒香心語口。同調在傍可以安。

*[Faint bleed-through text from the reverse side of the page]*

橘門先生秋月龍

字伯起豐後佐伯人後住東京

踰飛狐嶺

飛狐之嶺踰層巔。長嘯一聲人欲仙。大似狗哉雲走谷。高於我者日離天。當途僵木成深洞。激石奔流作逆川。南北東西難可辨。紫烟深處自飄然。

夢登富山得二聯句。覺後賡成前後

縹緲女都鍾秀靈。飄然高舉駕雷霆。身窺石室偷成藥。手掬銀河灑老星。一百由旬天外白。三千世界眼中青。新詩忽覺多神助。夢裡雙聯字自馨。

橘門

夜歸

梅花若雪月。聰朧十里村。園一樣風。春夢人人合。相似無家。不往暗香中。

花立嶺

纔過絕澗。又層巔。一任輿丁。屢息肩。巖化蒼苔。成卷柏。樹揮積雨。作重泉。峻山幾疊。多於地。隋阪千盤。欲上天。不效古人。嘗叱馭。半眠思句。日如年。

漁父圖

網汝舉之。笛我吹。魚之不得我。何知。笛汝吹之。網我舉。節之緩急。唯任汝。江南無限夕陽山。笑看雙鶴帶雲還。

讀莊子

蜉蝣視人如天地。天地視人蜉蝣爾。堪笑蜉蝣界裡人。辛苦逐利不能已。利終不來。智終窮。智之窮為鑿矣。君不見七竅鑿而渾沌死。

秋夜

精神能內守。處世亦從容。辭害無他訣。利刃不露鋒。月唯浮湛水。雲自入幽松。尤其是夜深後。虛心對亂峰。

春雨乍晴泛舟龍溪

柳渚梅洲載酒行。一篷殘雨滴新晴。濕雲徐被風吹去。多少青山次第生。

橋門

美人步雪

展痕斜印畫欄西。擬折庭梅上翠鏡。忽訝驚鴻掠波去。  
又疑嬌蝶入花樓。芳山天暮郎安在。東鑑曰：靜姪聞義經入芳山，追求不  
得，彷徨失措。山僧見其有財物，悉奪之。弄姬於深谷雪中云云。伏水風寒兒與啼。用義朝妾  
常盤伏水風雪如許酸辛都不識。倩人掃雪玉階躋。  
中抱三子事

鍾道嫁妹圖

嬌羞懶復向粧臺。對鏡紅潮漲兩腮。儻遇姑婆惡如鬼。  
一言唯說報兄來。  
天馬歌  
天馬遠來自天窟。萬里蹴雲勢蹶蹶。亂尾倒立欲掃天。

朔風捲雨鳴長鬣。雙眼射人飛紫電。碧月無影懸兩頰。  
噫吁天馬何為來。長嘶似訴淚接睫。君不見愛妾換馬  
今無人。直欲賣馬換小妾。

續天馬歌

高屋龍窠高如屋。春風嚼盡野皆秃。他山春草不療飢。  
首著秋香仙禽谷。飛越峯兮撞倒山。二者共古駿馬名。今假借以形容其  
勢。奔星飛電唯一蹴。亂鬣生霧尾生雲。雙耳銳如批秋  
竹。突城越壑何有哉。不厭飛矢集白肉。吉行五十駕鑿  
輿。無由騰踏舉駮足。伯樂不知我自知。微咲世人指為  
鹿。噫吁已矣何曾傷飽卧。春風柔於犢。

橋門

土

湘君廟

夢過湘廟。得九疑葬虞帝。千歲泣娥皇。及壇無廟。有二聯。覺後續足前後。

杳渺巴陵路。煙波暮蒼蒼。風帆別吳蜀。寒笛動瀟湘。青艸湖天遠。蒼梧澤國長。九疑葬虞帝。千歲泣娥皇。苔蝕朱絃瑟。塵埋白玉璫。壇無人掃葉。廟有鳥巢梁。斑竹留殘淚。幽蘭送古香。夢醒身在此。楚水滴衣裳。

古詩示兒新

不聾又不聾。難與世人處。不聰又不明。竟難守聾聾。

杜陵耽句圖

杜陵耽佳句。一字細論評。竒想落天外。先人先自驚。

玉汝鳴

婉然如處女。鑑水照孱顏。多情羞入見。笑入白雲間。

蓮

亭亭十丈藕花開。擎出波間白玉臺。中有苦心嘗似膽。却嫌人比美人來。

新竹

嫩葉難支雨。新梢不耐風。誰知歲寒節。在此至柔中。

食栗

毛毬墜地手難觸。惡刺攢攢針作輦。獨怪世間皮相者。

橋門

更從何處認黃中。

贈別兒新

溪頭相送夕陽東。柳自青青花自紅。一路暮雲人影外。  
孤村春雨馬聲中。赤川不接黑川水。小國邑名屬東肥封內還存大國風。四百里程多少景。紀行文就寄家翁。

其二

大原西去是中城。朗朗遙聞絃誦聲。曉霧籠花天欲曙。  
夕陽映竹雨初晴。豈無閉戶似孫敬。應有著鞭如祖生。  
氣類斯中得相接。研精須對短燈檠。

佛山先生村上剛

字大有別號稗田耕夫豐前人著佛山堂詩鈔三編

曾我兄弟復讐圖

富岳崧高天下稀。比之君志一何卑。富嶽冰雪照千古。  
爭若君心涅不緇。鎌府將軍狩岳麓。八州駭卒若雲隨。  
十郎五郎俱距躍。其獲非鹿又非麋。不知今夕是何夕。  
昊天假我復讐時。連營雨暗柝聲寂。直穿虎穴斬虎兒。  
霜刃貫來血彌縷。腥風颯颯捲旌旗。能使先人釋寬恨。  
身為脯醢亦何辭。同胞同心又同死。將軍面視應怛泥。  
君不見。見芳野。風雪衣。川月九郎紅淚濕鐵衣。

佛山

橋上立月

低首月在水。舉首月出雲。我來橋上立。對影為四人。此  
景未上古人筆。豈無一詩寫清新。高吟驚起雙白鷺。飛  
入蘆花不見痕。

秋草

池頭一夢已茫茫。秋入郊原漸就荒。短履何堪踏衰色。  
傾篋尚想摘新芳。舊離宮閉蟲鳴月。古戰場空孤立霜。  
最是魂銷腸斷處。美人墳上夕陽黃。

西瓜

園丁養得大如斗。味到炎天日日增。這裡赤心元可重。

由來藍面亦何憎。銀刀剖破一輪月。玉齒嚼殘三伏水。  
卧病長卿頓忘渴。金莖不羨露華凝。

狂花

化工遊戲實難量。拈出嬌紅巧耐霜。偶見疑他刃下剪。  
自開非是害中藏。不令春獨專其美。一任人皆謂我狂。  
恰似可憐貧女子。晚時初着嫁衣裳。

觀不知火

帝問海人亦不知。國史長傳海火奇。不知不知果何火。  
正是海天雨暗時。百點千點次第現。光芒爛然射波面。  
分部分隊紛相爭。恰似英雄之鬪戰。六步或七步。商郊

兵始遇。逐北何其急。三周華不注。忽然一時明。馬陵值  
伏兵。忽然一時滅。長平隊卒阬。如放牛觸敵。困單起。即  
墨如焚。百萬船。曹公敗赤壁。高樓一夜望空洋。千古興  
亡落眼眶。詳記欲以補古史。慚無才繼舍人王。天曙火  
影消。無跡山青水綠。漁歌長。

橫塘

漠漠暮烟合。橫塘月未生。村娘挈瓶去。柳外汲蛙聲。

石磯

浸岸秋波碧似苔。石磯西畔夕陽開。蘋花搖蕩香將碎。  
浣女纔歸漂母來。

灸治

誰令吾背貴。點點墨痕新。奇偶河圖列。縱橫星象陳。三  
年已蓄艾。一灼忽傳春。休謂火攻暴。乃成醫術仁。昔嫌  
炎是附。今作熱相因。分痛誰隣弟。屢顰豈傲隣。片時逢  
炮烙。二氣要和均。臍炷何齊董。腹書恐遇秦。終亡病豎  
子。不用藥君臣。借彼燔燔物。濟斯眇眇民。苟非取正穴。  
翻到害天真。治國亦同理。管機宜擇人。

棄兒行 并序

野乘記烈婦代亡夫育其君遺孤。窘迫竟棄已  
兒之事。讀之有感。演作棄兒行。



野竹叢邊佳人出。翠袖秋寒竹拂拂。欲哭不哭強吞聲。  
幽蛩代我啼啾啾。懷裡孤雛重萬金。往將棄之豈我心。  
事窮勢迫終到此。母也天只輸蟲禽。載寢之地未遽去。  
濺裯暗淚和草露。見忽呱呱母忽驚。驚鴻畏人屢四顧。  
牛羊腓字豈所期。糜弧箕服幸收之。收者忖度棄者意。  
撫育偏願垂愛慈。山雲微破漏孤月。照得兒顏欺玉潔。  
熟視愈生何限悲。悲莫悲於骨肉別。嗟我心事難告人。  
欲代亡夫報君恩。國有遺孤家亦有。斷知兩珠難兩存。  
存彼棄之兒莫恨。母為烈婦兒忠臣。

答人問稗田

君問稗田意若何。聊論風土固非誇。白沙翠竹潺湲水。  
短柵疎籬閑澹花。戶戶逢迎足雞酒。人人談話只桑麻。  
好象明月來尋否。吟誦聲幽是我家。

三始詩

鄉俗正月第二日。耕田為耕始。絢索為絢始。女  
子繰絲為繰始。蓋謂始試之也。

耕始

開歲第二日。和風拂地吹。舉趾向東郊。耕田始于茲。以  
我耜之覃。加我牛之肥。耜之入要深。牛之行勿遲。遲速  
與深淺。但我手所持。我手之運用。我知人不知。一撥又

二撥土脉忽發揮。三撥又四撥。蠶蟲驚欲飛。農事雖多  
端耕也為其基。今而不勞力。秋收何可期。八口免饑餒。  
勞力我何辭。却憶廟堂上。君子勞心思。

綯始

阿兄呼弟起。鳴鷄警晨光。綯索梅花底。春風入手香。索  
之為物也。用之於平常。不翅丞象屋。束薪又脩墻。或以  
代馬刺。或以代牛疆。綯索亦有道。勿柔又勿剛。剛則易  
斷絕。柔亦未足減。剛柔適其中。所用皆得當。弟索已百  
尺。兄索千尺強。願使我君壽。與此索俱長。

綯始

春女骨欲香。梅花壓東廂。線絲今為始。車聲軋軋忙。阿  
姊手自輕。風吹落花颺。阿姊手差重。流水漾無楊。阿姊  
謂阿妹。我絲欲染黃。阿妹謂阿姊。我欲朱孔陽。染成上  
機杼。好作新衣裳。下以附兄弟。上以奉爺孃。若尚有餘  
尺。以製我嫁裝。願事善君子。德得比孟光。

歸去來圖

昨非雲出岫。今是鳥知還。悠悠千古意。采菊見南山。

伊呂波歌 并序

世傳伊呂波四十七字。僧空海所製也。蓋原漢  
字。別為一體。簡易便童蒙。今日上下馴習。日用

佛山

明治名家詩選卷中

瑣事。以至神典儒書。及蠻籍訓點譯語。無一不

由此。伊呂波之用亦大矣哉。僧某海師之徒也。

請余詩之。乃每句冠以原字。賦此與之。國學者流有邊

伊昔史籀創篆字。呂秦之時製隸書。波流蕩蕩世運下。

仁風禮俗漸將無。保持聖道唯文字。邊邑亦難欠師儒。

土地生物五金貴。知得一日不可除。利用誰人不賴此。

奴隸王侯之所俱。留意財貨賤文字。遠于義理非吾徒。

和國從來言辭耳。加之民用万事符。與代結繩略相似。

太初設教艸草乎。禮文漸繁多記載。曾傳漢字天下鋪。

津津相爭論點畫。禰禰魯魚鳥與鳥。奈何漢字多疑似。

良士瞿瞿况匹夫。武庫森然僧空海。宇內群籍看破虛。

為是天朝遣大使。乃隨藤公入唐都。空海傳曰。延曆二十三年。隨聘

使藤原加能入唐。於青龍寺謁慧果。久矣待汝談真如。又曰。始謁慧果

大師。師一日曰。吾待汝久矣。云云。也與名士相翱翔。未技草聖尤得譽。

又曰。胡伯崇贈詩曰。天假吾師多技術。就中草聖最狂逸。計弘密法於東土。不顧唐

主寵遇殊。隆。欲以為國師。古今圖書滿舟舶。江海渺

渺賦歸歟。天使此人造新字。安排形體存楷模。左右轉

用何自在。幾千万轉用有餘。由其易用且易學。女兒男

童皆進趨。美矣四十有七顆。之謂妙寶如意珠。惠及後

世長不絕。此功前哲何曾輸。毛錐一揮事立辦。世儒勿  
嘲甚簡疎。寸刀時勝丈二戈。

勢人某來傳拙堂翁語曰。予嘗有海外異傳之著。  
請子摘其大要綴為韻語。將以並傳于世也。因有

此作。

山郎誓欲取封侯。亂定無由施畫籌。舉眼茫茫天地大。  
立身何必丈夫州。

忽挺孤身托賈船。臺灣島裏暫周旋。彈丸豈是立功地。  
更駕鵬雲向五天。

萍蹤遙落暹羅國。方是干戈擾亂時。大口如盆笑何事。

笑他行軍似兒嬉。

將軍蹄令肅秋霜。一萬精兵日本裝。咄咄犬羊何血刃。  
長繩生縛六昆王。

西域喧傳唵普良。大功新賜大封疆。區區領略琉球國。  
大笑鎮西源八郎。

舊侶相逢敬且恭。金冠玉帶拜清容。何圖同穴蠕蠕物。  
化作雲霄百丈龍。

衣冠遙拜曉曦紅。玉帛源源來向東。如欠首邱心一片。  
以驚天地未英雄。

君側淫邪欲一清。何圖暗裡姦謀成。姦謀能奪英雄命。

佛山

明名臣家語選卷中

十九

難奪千秋赫赫名。

父業沉淪恨豈空。提戈跳出翠閨中。娥眉亦欲酬仇敵。

義烈能揚日本風。以上記山田仁左衛門事

瓊浦行商姓是濱。生來豪膽大於身。區區豈逐秋毫利。

快事驚人纔此人。

擬向臺灣受一厘。農夫耕具自蕭然。誰圖短鉞長鏡外。

鬼策神籌載在船。

月兔沈波曉渺然。跳身直入海城煙。吶喊驚破胡兒夢。

真箇奇兵降自天。

凜然秋水擬喉寒。啼泣求生甲必丹。能展國威除國耻。

勿為荊聶一般看。

獻物表誠誠可知。紅綾翠錦白珠璣。斯行更有快愉事。

虎穴生擒虎子歸。已上記濱田彌兵衛事

英兒墜地即呱呱。萬火齊明照海隅。非孕東方靈叔氣。

老蚌何得吐明珠。

胸有經綸筆有花。一朝榮達起於家。儀同駙馬何殊罷。

萬口爭稱國姓爺。

至言諫父淚流血。苦節事君心本丹。金印煌煌忠孝伯。

自傷忠孝兩全難。

大州七十二區分。巍巍城樓倚碧雲。呼作思明名亦好。

佛山

明倫彙編家範典

三

可知一飯不忘君。

千帆直泝大江風。欲拂金陵賊穴空。蹉跌也知時不利。莫將一敗置英雄。

臺灣奪取若探囊。元是吾家舊土疆。朱日茫茫將墮地。纔於此裏揭餘光。

海激風浪覆千舟。賊尸如山積不流。奮翼回溪真快絕。漢家馮異是同儔。

兼天立府自巍巍。講武習文民亦肥。絕似當年諸葛氏。千辛吹起漢炎衰。

一死傳家唯是忠。合符千歲有楠公。英雄定合歸桑梓。

感激相談真漢中。

以上記鄭森事

聞

勅迎祭

崇德帝靈于京師新廟私賦

愁雲怨雨滿南隕。龍血淋漓文字腥。朕志但修冥府福。何心不納大衆經。震雷今日應收怒。大廟千秋此祭靈。

王政維新盛事舉。洋洋神德護

朝廷。

無題

落花紛紛雪紛紛。踏雪蹴花伏兵起。白晝斬取大臣頭。噫嘻時事可知耳。落花紛紛雪紛紛。或恐天下多事兆於此。

佛山

城井公立在東京。編選文文山詩鈔。請予題言。  
正氣歌成泣鬼神。其他無讀不銷魂。孤舟侵雨脫淮口。  
落月聞鷄宿謝村。宜矣當時珍隻履。好哉今日表遺言。  
何圖六百餘年後。文氏忠臣出我門。

曉起記事

獨起神如水。新涼入郊墟。胡枝何婁娜。牽牛亦粲如。花  
影互撩亂。庭宇日出初。上張團圓網。奇巧自有餘。殘露  
點又綴。鮫目光爛乎。孤蝶夢方覺。翩翩自墻隅。忽爾陷  
機計。窘迫類囚徒。蜘蛛喜暴獲。百纏更千紆。吐出滿腹  
絲。疾於轉線車。乍見欲救之。非內交。要譽忙手解其縛。

百方護彼蛛。秋水眸看暗。翠蛾眉不舒。馬嵬終毀玉。金  
谷忽摧珠。舞衣半破裂。遺香淡欲無。嘆息更嘆息。魂兮  
不可呼。君元監香使。奉敕到塵區。安知死非死。飄飄還  
蓬壺。因憶名與利。張網於世途。陷人朝繼夕。何必咎蜘蛛。  
出。門。忽。一。笑。青。山。不。負。吾。

一闕

淮海豪英氣。如今消似冰。一闕天呀授。百事我無能。睡  
味清風榻。吟聲夜兩燈。人間知己少。破硯是良朋。

稗田

佛山馬山山勢連。山北有村名稗田。民戶數十負岡阜。

清流一帶橫于前。彼架長橋。此短橋。垂髫黃髮往又還。  
白沙翠竹。今錦里。曲塢回洲。古輞川。春草芳濃。可以牧。  
汝牛。何肥腹便便。夏柳陰深。可以放。我馬尾長。參參然。  
我往助。汝獲秋禾。光如紫電。揮鐵鎌。汝來輔。我收冬菜。  
筠籠和雪。擔在肩。人人相傳相親睦。美俗傳來幾千年。  
惟昔

天武御天日。奎璧煌煌光亘天。稗田安禮稱強記。滿朝  
群公皆逡巡。奉勅口傳古事記。盛名千古日月懸。姓為  
稗田果何故。漫想其人或出焉。眉山曾為蘓子著。涑水  
長。因温公傳。古來賢達勃興地。草木亦自覺麗媚。嗟我

亦產稗田里。安禮何人我何人。奈何志大才不大。事業  
難成空華巔。不免鄉人真可愧。把耒日耕稗田煙。

聞秋風憶都下故人

寒聲浙瀝襲林叢。吹入離愁斷夢中。珠唱紅絃酒如海。  
都人應不識秋風。

宿添田驛作

夕投山驛卸青簑。奈此秋寒酒薄何。一掬清愁消不得。  
芭蕉墓畔雨聲多。

晚春坐雨

苔痕漠漠上階青。淫雨連朝不放晴。天下無春牡丹落。

佛山



山中有怨杜鵑鳴。少年豪氣劍三尺。老境幽懷茶半鐺。  
富貴功名君自取。間人間處送餘生。

*[Faint bleed-through text from the reverse side of the page]*

黃邨先生向山榮

字欣夫  
東京人

孤鶴吟奉呈林學士復齋先生

城南有兩樹。柯葉未曾改。孤鶴巢其間。棲息期千秋。一  
夜北風急。吹落千尋底。哀鳴戀故林。欲啄欠菰米。雪翎  
雖折殘。仙姿亦瀟灑。延頸時一鳴。昂霄志尚在。燕雀渠  
何知。喧啾恣侮詒。再使羽翼成。橫飛絕四海。

愁吟

破屋愁吟仰見天。百年身世磨牛旋。出門一笑支筇立。  
無限新詩滿眼前。

黃邨

鷺鷥

清波浴罷雪翎鮮。公子風標信可憐。拳足時臨晴岸立。  
駢頭晚傍白蓮眠。須同野鶴期閑放。不與仙雞競麗妍。  
定識前身是漁父。翩然飛上釣魚船。

秋蟬

可憐羽化一身微。葉底偷生怯禍機。楊柳蕭疎無美蔭。  
螳螂跋扈有餘威。幾般苦思憑誰訴。盡日酸吟不肯飛。  
陣陣淒風秋欲暮。千聲鳴斷送殘暉。

偶感

凡姿不許上凌烟。四壁一燈形影憐。馬革未償平日志。

鷄聲喚覺五更眠。千金亦坐垂堂險。獨木難支大厦顛。  
耆舊近來凋落盡。臨風揮淚叫蒼天。

冬晴偶吟

小春天氣作晴妍。曝背南簷祇自憐。眼識一丁妨快活。  
身添二豎苦纏綿。孤舟短笠寒江雪。淡月疎梅古寺烟。  
鳥語喚醒前日夢。床頭勘檢舊詩篇。

栖碧齋筍賦此為謝

吾家東武鄙。地瘴不宜竹。園林無風月。徒有凡艸木。秀  
篁移楚色。十纜活五六。一二生兒孫。嶄然出頭角。老夫  
喜可知。憑君聊醫俗。干霄指日期。愛護何肯削。坐忍太

守饒空負將軍腹。吾師玉版禪。栖碧精禪理。清修老山麓。水

雲千畝地。風月三間屋。何啻文湖州。寄傲箕管谷。白社

執牛耳。詩酒互徵逐。向來趙陳子。東坡與趙景貺陳履常同過歐陽叔弼小

齋云。夢田聞剝啄。誰乎爭推蘓玉局。年年櫻筍候。會飲

趙陳子。今借而自况。動信宿。此地固竹鄉。宰庖富此族。煇炙恣健啖。麴糶賤

肴藪。今吾抱百憂。杜門絕蹄軸。一室懸四壁。舉家久食

粥。自笑先生盤。闌干只首宿。回首想昔遊。清夢繞淇澳。

鵲語竹影碎。午枕驚剝啄。長鬚致雙鯉。籜龍開一束。小

者黃犢角。大者類車轂。風骨含土膏。斬新異市鬻。飢腹

轉空雷。快覩明病目。食指非虛搖。果然有口福。隣翁舉

手招。家釀脫巾漉。呼童命宰割。和飯同烹熟。厨膳生光  
輝。匕箸溢芳馥。甘脆勝嫩豕。鮮潔擘蒼玉。大嚼是屠門。  
經旬忘梁肉。貧兒誇暴富。分羹及奴僕。酣醉卧竹根。滿  
地湘雲綠。捫腹自徜徉。一飽萬事足。既償食筍債。又對  
清風穆。隴蜀得其望。熊魚兼所欲。作詩博噴飯。燕陋何  
足讀。

杜鵑

雨暗春山欲夕曛。蜀魂啼破萬重雲。他鄉落魄同憐我。  
故國丘墟獨剩君。地氣南來非偶爾。孤臣再拜恨何云。  
一聲一滴淚如血。染出幽花園古墳。

黃邛

遇感

邊陲兵未息。兄弟在他鄉。短髮心猶壯。青春意獨傷。池頭過微雨。霽色上。岳陽。聽盡黃鸝語。消磨白日長。

螳螂

落日哀蟬時一鳴。螳螂意氣忽橫生。雀羅吹斷無輪轍。只見平蕪攘臂行。

自海外還紀喜

竹葉發醅香滿卮。好邀舊雨話襟期。小亭臨水開三面。垂柳分烟覆半池。新僕欲呼名未熟。古書重讀味殊滋。奚囊點檢無他物。萬里行程一卷詩。

枕上用宋人韻

不眠愁夜永。無夢覺龜清。松籟歸茶鼎。燈花墜鐵檠。奮游如隔世。白髮亦多情。起舞非吾事。荒鷄莫亂鳴。

題古賀茶溪先生新居

朝氣爽然橫早秋。翠雲對起讀書樓。安心是藥間因病。遮眼皆山卧亦遊。萬軸君應誇鄴架。一瓶我欲借荊州。案頭終日有餘樂。還芻歸來林下休。

次韵竹陰秋感

天涯客子髯毛殘。日日江頭獨倚欄。世事輒驚雲變滅。家山誰報竹平安。空餘心膽猶看劍。誤墮風塵未挂冠。

黃邨

垂老易牽搖。落感西風吹。兩作新寒。

題芙蓉圖送寺田望南還故鄉

芙蓉之整何崔嵬。天地英靈所胚胎。雲蒸霞蔚育豪傑。今古俯仰一低徊。奇才如子真磊落。世間無地擲高懷。單身仗劍凌絕頂。長嘯晞髮呼快哉。手掬白雪和墨瀋。龍蛇入筆驅風雷。文章滿腹錦繡堆。果知寶山不空回。

送宮崎水石赴弘前督學

大丈夫在世如松秀巖壑。參天拔地二千尺。風雷排幹根裂石。閱盡桑滄傲冰雪。匠石相顧屢歎息。山靈欲惜惜不得。踞盤已有棟梁任。剪伐不辭斧斤厄。誰謂材大

難為用。廣廈輪煥成不日。君不見神林社樹多樗櫟。枝葉礫礫何纏荆棘。

次韻玉舟翁見寄

中宵伏枕淚縱橫。忽聽荒鷄起舞成。今古英雄悲末路。江山寂寞送餘生。雨過墜葉兼殘滴。風急飛鴻有斷聲。落月空梁魂夢冷。憑誰說與此時情。

次韻寄懷杉浦秋香

一別天涯似隔生。當年意氣尚崢嶸。如今欲學鹿門隱。多事肯求麟閣名。時感鶯花空有淚。老於詩酒未忘情。待君神武挂冠去。垂釣磯頭尋舊盟。

連雨獨飲

三朝風雨阻幽尋。誰慰先生寂寞心。啼血一聲如裂竹。漏痕滿壁似懸針。狂餘故態未嗟老。趣在無絃何借音。欲洗瓦盆澆礪魄。山城酒薄不堪斟。

詠史

名忌甚高功忌奇。英雄末路轉堪悲。若教身死十年早。麟閣長留颯爽姿。

柳北先生成島弘

字保民別号澤上漁史東京人

丁卯九月二十日率兵馬發太田營歸江城有感

賦此

旭日旗頭旭日明。兵馬肅肅發山營。劍鋌照路秋霜凜。銃響震雲曙雷轟。一將有令萬卒應。宛似鐘鼓隨過鳴。命行則行止則止。靴尖齊揚步步輕。憶起往年來此地。荆榛靡路屋宇傾。今日揀築功已竣。牙帳轅門氣崢嶸。來時兵員不為伍。去時整然旅團成。規律存心李廣訣。衣糧同苦吳起情。官家方今張其武。安知一夫亦干城。

柳北

明名臣家詩選卷中

三五

俗吏動執紙上議。寸衷未竭百謗生。男兒千載同感慨。  
竹帛應要身後名。秋風送我。去飲馬。六合水冷。水無聲。  
題吳宮避暑圖

憶家

簷外秋風殘柳斜。客愁轉與暮寒加。關情何特尊鱸味。  
每點窓燈便憶家。

元龜經筒歌贈釋嚴護

吾愛古器世無匹。周鼎秦鏡漢琤玕。亂離百物皆散失。

元龜經筒僅存一。長尺徑寸素木質。表塗髹漆裏玄漆。  
韋條結得半敗黦。尚古何肯換朱紋。題曰大良字超軼。  
知是仙衲老手筆。比歡愛宕名刹鬱。其人其地向誰詰。  
筒背有記其字七。元龜初年霜月日。維歲庚午黃鐘律。  
爾來幾回歷甲乙。吾讀國史事徵實。摩挲此筒心驚悚。  
當時信長勢彊恁。席卷中原威風疾。海內無人過驕溢。  
僕使光秀奴秀吉。餘勇敵佛佛。膽溲直向巖岳怒而叱。  
萬卷梵典烈火燬。僧尼冤血送矛鉞。怪霧蔽天天冥沕。  
空王瞋相見髮鬚。此筒當日在何室。中藏般若波羅蜜。  
殿堂化灰迹蕭瑟。寶器粉塵孰能恤。經筒獨存經卷逸。

柳北

明倫彙編 家範典 卷一百一十五

三

空。肚。為。人。感。筆。策。避。亂。多。年。潛。藏。密。一。入。我。室。伍。緇。帙。  
戰。塵。復。遇。天。地。室。携。持。東。西。度。險。岨。饑。寒。今。難。養。子。姪。  
器。玩。隨。身。豈。可。必。嚴。護。上。人。吾。所。暱。文。場。討。論。久。接。膝。  
上。人。何。特。精。道。術。才。高。識。卓。驚。天。秩。吾。亦。塵。緣。付。一。拂。  
每。笑。昌。黎。性。太。佛。奚。學。桃。苑。論。除。被。雖。不。佞。佛。豈。敢。黜。  
來。借。禪。榻。共。捫。虱。歡。情。悠。悠。何。時。畢。經。筒。割。愛。任。君。乞。  
貽。送。漫。比。金。千。鎰。欲。作。長。歌。當。前。蹕。履。登。寧。得。一。言。悉。  
平。生。心。緒。聊。且。述。休。嗤。才。短。口。亦。吃。吁。嗟。乎。信。長。何。世。  
不。再。出。法。壇。有。敵。君。莫。屈。嚴。護。嚴。護。何。物。應。護。西。方。  
彌。陀。佛。

秋感 原十  
節三

枕上黃梁夢一場。多年辛苦為誰忙。兩京王氣鼎威重。  
十世霸圖霜色涼。騷客悲秋泣孤廟。塞鴻嘶月落空湟。  
兒移家去同盟散。身作羈人在故鄉。  
北窻高枕誦陶詩。大馬長槍彼一時。病客身邊秋到早。  
醒人宅裏月來逢。少年感慨老應悔。浮世交情窮始知。  
忘却從前榮辱事。琴書消日不圍棋。  
借將詩酒弄風光。多謝老天容此狂。縱有定評棺未蓋。  
豈無善賈玉應藏。一簾新月蟲聲白。半沼斜陽鷺影黃。  
清濁元來吾自擇。任他孺子唱滄浪。

柳北

月名

三



不忍池。吊織田房之房。之戊辰五月戰死。忍岡碧血。曾埋此水濱。採蓮人。吊夜臺雲池。呼不忍岡。呼忍也。以當年我與君。

南越客舍憶東京故舊

嵐香潮氣滿衣襦。久矣飄蓬我怪吾。客裏多愁身亦瘦。人間薄福枕常孤。雲收夜熱晨歸岫。月引秋聲曉入湖。對酌何當會鄉友。快刀手斫李鷹鱸。

二蘇行

君親大倫冠五倫。孝子之門出忠臣。十郎五郎何為者。美名誤傳七百春。富山風雲晚吹雨。遠麓篝燈碧於燐。

黑夜分明認虎穴。劍光迸上仇人首。斬仇仇死吾事了。餘怒敢欲刺何人。牙帳有賊銀燭亂。狂又無及將軍身。君可弑乎父可殺。吾對青史兩回嗔。君不見將軍之父左典旣。亦為其君斬其親。

題盧丹象遺墨

忠烈如公有幾人。龍蛇一幅照千春。淋漓墨似淋漓血。想見蒿橋白網巾。

自嘲

忙裏匆匆節物徂。十旬囊底一詩無。公孫徒說馬非馬。尼父應嘲觚不觚。洗髮暮天飛白雨。驚魂秋信動青蘆。

從來儂是閑人耳。何苦狂奔負故吾。

濠梁圖席上拈韻

石砌貯水方尺三。子子託生舞慘慘。此溟有鯢幾千里。化而為鳥搏圖南。大知小知天所造。其旨深奧不可探。魚遊濠梁偶然耳。惠莊何意留虛談。人間權姦與魚似。慾念如海一身涵。鞅掌苦過頰尾苦。畢生唵喁餌是貧。失脚竟落枯魚肆。安知洋洋樂味甘。醜態難洗濠梁水。怱怱長對儵魚慙。

哭女機原五

花間露似淚漣漣。秋慘東籬日暮天。誰料今年手裁菊。

一枝為汝供墳前。

枕上悲風秋氣涼。乃翁一夜鬚將霜。兒時器玩嫁時服。老淚揮來筐又筐。

曉發金谷驛

馬首林梢片月斜。貪程人起早於鴉。山村一角天先白。圃圃秋風蕎麥花。

鶴岡祠書感

秋風蕭條鶴岡祠。銀杏樹下立多時。借問當年源公鶴。金牌紫綬今安之。創業至難墮業易。鶴若有知必垂淚。江城霸圖亦一空。感舊莫與此地異。鶴兮鶴兮何處歸。

吾亦一個丁令威。

Blank space for calligraphy or additional text.

羽峰先生南摩網紀 字士張環碧樓養浩讀廬言顧行庵皆其別號岩代國人移住

京東

源右將獵富士野圖

朝屠平氏族。夕屠源氏肉。屠盡六十餘州敵。中原誰又爭犄角。滿腹技倆無施處。去向岳麓獵真鹿。

靜

芳山雪。消難得。綠絲歌罷意悽惻。豫州當日全交道。我面敢許汝輩識。凜乎其言卓其操。晚節不屈威武力。可憐雪中携孤人。地下相見無顏色。

羽峯

巴

拔山威力萬夫雄。血戰誰如鐵手功。笑殺當年垓下美。徒悲四面楚歌中。

袈娑

膏以明自焚。女以美亡身。深閨夜聞燈火滅。鬢髮沐來亂紛紛。已全良人又全親。戀冢之碑今猶存。孝貞千古感天人。嗚呼孝貞千古感天人。

源廷尉

疾如風雨震如雷。兵鋒所向皆破摧。渡部逆浪夕解纜。鏃揭峻崖曉銜枚。唯有進勝攻取耳。猪乎鹿乎我不知。

君不聞飛鳥良弓覆轍在。重瞳已亡韓彭醢。自古奇功招奇禍。久居功名豈無悔。尺布歌成漢恩薄。鶴鴿原頭棣華落。芳山之雪蝦海船。神州無地可著脚。

柴田勝家

越山雪道阻絕。坐擁貔貅失其機。怒視冰雪日眦裂。賤岳利是敵餌。莫敖狃勝不肯還。豎子遂敗乃公事。君不見驕忌取禍誰。昔然興亡由人亦在天。百戰事業消無跡。北莊城中一片煙。

別梅花 分韻

幻空世味夙相諳。至別梅花不可堪。橫笛一聲春夢冷。

羽峯

曉風落月滿江南。

春日江上矚目 得柳字

晚潮渺渺上江口。菰蒲青沒洲前後。釣得滿籃銀縷魚。  
欲向前村換樽酒。飛絮如雪送歸舟。春風吹老岸岸柳。

梧陰清夏

碧梧陰數弓。遮盡夕陽紅。一榻清無夏。微涼不借風。

初夏 分韻

昨雨洗春痕。山容如出浴。杜鵑忽一聲。樹樹吹新綠。

梅外先生長允文

字世文別號南梁三洲父

古木竹石圖得韻庚

斜陽影疎冷。古木立晚晴。寒鴉忽數點。霎霎度羽聲。怪石帶蒼蘚。俛仰如有情。老蟾伏石下。出沒見金睛。日暮何所况。向月口一鳴。晚風驚殘雨。簌竹亂縱橫。欲說畫外意。野路無人行。

墨水舟游得韻先

同人買醉泛隅川。白苧聲中學酒仙。浦上如聞神女佩。波間難認孝廉船。斜陽滄蕩蒹葭水。涼月依稀楊柳烟。

梅外

南梁三洲父

三六

遊客暫時休上火。興隨暮色共無邊。

春日有懷潁上五岳師

淮水溶溶綠解冰。臨淮檉檻搥堪凭。落梅花裏一盃酒。想見春風吹老僧。

修園得魚韻

小園為寮蕪。誰道愛吾廬。晨起課僮僕。晚來勞拮据。破籬和露補。殘礎帶雲鋤。追級疊墮磴。披榛通故墟。杜公邱曲折。陶令樹扶疎。一邱蕪曲折。遠屋樹扶疎。二公句。獨樂思司馬。三年笑仲舒。林藏覲眺鳥。池養噉喙魚。松瘦月行仄。竹幽風路徐。開花皆窈窕。流水自紆餘。地脉就修治。天機少

自如。亦非塵世趣。真是野人居。

暮春之候。梅隱寓樓。次其題畫韻。

佳句題來和亦難。併將畫妙寄毫端。社中俱識虎成繡。樓上忽疑猊作蟠。君尤巧詩典畫新綠欲烟。聞夜雨。落花如雪。又春寒。預期四月清和節。好賦登臨重倚欄。

衰懶夜意

衰未減文氣。懶將疎世情。不求詩自至。無意夢還成。人靜水聲活。月明花影驚。高眠方一覺。夜思入吹笙。

秋園漫題得陽韻

我愛木芙蓉。豔容亦木強。譬如女中士。所以號拒霜。可

梅外

憐牽牛子。纏綿上我牆。如何伍黃葵。逡巡畏大陽。石醜不可惡。芳蘭生其旁。蜘蛛隨風葉。渡水乃為航。竹斑相妃淚。蓮白繞國妝。惟機愁蟋蟀。怒臂咲螳螂。欲題秋園趣。無奈句尋常。詩成人不識。悠然坐颯涼。

山茶花

最愛山茶濃淡妝。紛紛開落占煙光。橙黃橘綠闌殘處。菊後梅前寂寞鄉。一路農簑兩聲白。半庭僧帚雪痕香。善愁天氣颯晴好。幾樹鳴禽集夕陽。

題冰畫石

石也我所愛。石不得。苔無姿態。苔亦我所愛。苔不得。石

無倚賴。苔石相得妙。無盡可使米顛為一拜。竹或依其根。蘭或生其背。枯木交其間。清泉遠其外。有時白雲來映帶。石文默不言。可以怡我輩。

吹上御苑

幾回佇立聽鳴禽。樹影蔥籠入禁林。紅日著空如不連。碧雲低地欲無陰。柳藏笑語瓊樓近。花映衣冠紫陌深。歸路獨疑身自淨。天香髣髴在吾襟。

齋藤拜石所藏福祿研詩

古硯出端溪。美質如紫玉。硯池方而長。工手簡而朴。裏面何所在。蒙首雕仙鹿。檀蓋嵌玉字。團圓表天福。先生

真爾雅。獲物渾不俗。湖上有閒居。諷詠怡心目。詩興不  
勝清。有時夜秉燭。詩成天已曉。寒霧几上綠。此樂可卒  
歲。以為先生祝。與硯好同壽。無限清福祿。

次淡窓先生韻

舟行烟水中。軋軋唯聞艣。殘雲不放晴。時作疎疎雨。

春樓夜雨圖

雲陰花霧滿庭浮。此夕何人卧小樓。鸚鵡不言燈欲滅。  
蕭蕭細雨滴春愁。

曉起觀蓮

曉月花外低。花月弄清姿。白鷺獨癡立。波影久相窺。微

風翻涼露。濃香洒毛衣。魚戲在何處。唯覺生綠荷。幽人  
起臨水。風色澹詩思。東方送微白。月落花不知。

江樓月夜

高欄一帶臨烟渚。漁火夜深歸曲浦。蘆荻蕭蕭多碎風。  
滿樓明月卧聽雨。

池亭夜意

雨餘池影涼。香露秋花泣。風細不成聲。疎簾一螢入。

春日梅外書堂偶作寄劉廣二友

數畝風塵外。園居日靜幽。春吟無傑句。花事有清愁。殘  
雨孤琴室。斜陽一遠樓。偶然思對酌。能到我家不。



春齋夜雨次東兄韻

夜雨蕭蕭卧草廬。西南消息定何如。梅花香入幽人榻。夢剪春燈讀捷書。

柳陰納涼

水氣籠江面。前山杳失青。何舟過柳外。燈影小於星。

風吹雨晴夜色殊清涼欣然有賦

午眠連暮尚難醒。何物俄然欲報晴。吹雨忽來風一陣。與雲相讓月孤行。烟槐露竹森羅影。遠笛殘鐘縹緲聲。良夜空消幽獨裏。惜無人共此時情。

源豫州十首 節二

源家諸將足名譽。公寂妙齡勳有餘。機捷古今稱獨絕。當年僧正授何書。

出入意表使人驚。自古用奇功乃成。夢裏神兵若天降。鷓峯一着勝陰平。

欲雨復晴

新葉翻綠暴風起。殘花紛落無定止。景光慘澹冷於秋。塵影颺空雲着地。斜陽一株無由開。車馬行人奔且躓。此時午眠忽驚醒。悽然倚欄多愁苦。何物妖恠不喜晴。雲陰風暴豈天意。亭亭華表出深林。片片葉舟浮遠水。君不見薩賊斃時亂國紀。明治天下終明治。與此欲雨。

復晴似。

一月六日。城井錦原招飲同社於玉川堂。賦一詩贈之。併問其師佛山先生。

遇君都門下。才氣驚敏捷。何圖在北豐。一堂曾相接。愧我老健忘。灑然汗背浹。却憶訪佛山。文章互問答。數日且留連。佳興寄米汁。有時携手去。石華海上拾。請君因歸鴻。一語傳卧榻。聞先生常病猶記梅花門。暮踏新月入。

天江江馬先生聖欽

字永闕一字正人西京人

嵐山

疎疎燈火上。三亭暮氣侵。人酒欲醒。一抹斜陽猶在水。滿山嵐翠染花青。

題佛山堂集三編

温敦旨稱古賢情。其思無邪化自成。山影中看吟步影。水聲外聽讀書聲。芻蕘識字事能解。賓客入疆田不爭。但喚詩人人盡記。尋君何用問村名。

偶成

天江

明詩名家詩選卷中

四十一

鳥語皆天籟。林居趣自長。苔衣裝敗壁。藤蔓補頽牆。拙  
是逃名策。懶知省事方。老來情味淡。得失兩相忘。  
萬累驅人鬧。百年處世難。雲山乏糧食。塵海奈波瀾。笑  
我貧無酒。勝他老有官。名場奕棋似。妙着在傍觀。  
誰能追管鮑。終始漆投膠。家富遷初志。官高遠舊交。隱  
憂歎未已。老懶事都拋。堅卧伴蘿月。不招猿鶴嘲。  
平生交友少。未夕掩柴荆。身已甘嘉遯。心何覓寵榮。疎  
籬賸秋艷。好月借窓明。坐久茶初熟。松風入夜鐙。  
窮途雖失助。何敢寄籬樊。愁遣杜家酒。悶排莊叟言。長  
流多活潑。大樹有盤根。自立平生志。男兒愧受恩。

霜月懸庭樹。夜寒特地來。擁衾添酒力。勒韻試見才。林  
果無風墜。瓶花映燭開。安閒得佳趣。何物不詩媒。

七月十六夕。與陳曼壽訪西疇寓樓同賦。用歌韻。  
京華佳夕在。鳧河。士女追涼簇綺羅。出樹樓臺迎日早。  
臨流亭榭受風多。未知饌玉因何地。始信銷金有此鍋。  
隔水東西垂柳岸。萬枝燈影帶絃歌。

題味梅華館圖

細嚼年來齒頰香。知它冰雪沁詩腸。能教吐屬清如許。  
瘦似梅花亦不妨。

次陳曼壽山城雜咏十二首韻 節二

嵐光水影染湘簾。滿目江山與更添。能有天公容我輩。  
批風抹月不傷廉。

淹留休歎髮毛絲。載酒慰君非土思。為說東山秋最好。  
紅楓時勝綠陰時。

詠松 原二首

千歲閱風霜。未曾歎老朽。幸無大匠知。澗底保天壽。

江上夜歸

江上風涼夜。人歸垂柳村。荷花同月白。水面不留痕。

題自畫竹

幾回描得着。枝葉竟難真。輸他小牕月。夜夜巧傳神。

梅花

竹外暗聞香。溪南天欲夕。橫枝不見花。凍月一痕白。

米南宮拜石圖

生平冷眼看時流。一拜笑他多所求。誰會斯翁醒世意。  
只於石丈故低頭。

梅雨雜吟

林深恰似野人家。新綠圍窓暗碧紗。睡起下階明潑眼。  
一堆雪白水晶花。

落花游魚圖

放艇中流弄晚晴。落紅點水纈紋生。淺沙別有銀花閃。

知是游魚逐隊行。

明活名家詩選卷中

Blank page with vertical lines for text.

青村先生廣瀨範

字世叔豐後日田人住東京

羅漢山

西。羅。漢。東。羅。漢。兩。山。相。揖。聳。天。半。一。夜。石。佛。皆。東。遷。西。  
龕。鳥。呼。香。火。斷。懸。崖。成。檐。石。成。門。老。木。槎。枒。成。其。藩。翠。  
苔。紅。蕩。三。千。歲。不。着。人。間。斧。鑿。痕。東。山。近。開。點。鬼。簿。石。  
琰。羅。前。說。罪。苦。兒。女。啼。哭。翁。媪。悲。璣。瑜。席。上。錢。如。雨。

讀明史

百。萬。燕。兵。若。疾。雷。龍。蟠。帟。踞。立。為。灰。黃。泉。應。悔。孫。謀。拙。  
誤。認。金。陵。王。氣。來。

青村

明活名家詩選卷中

四

流落江湖雪滿鬢。歸來老佛少人知。龍顏日角消磨盡。  
只認當年半月兒。

寄長梅外在彥山

彥山北望鬱崔嵬。中有仙家遷迤開。羽扇拂雲朝出窻。  
法螺吹月夜登臺。天台久絕劉晨信。廬岳應成李白才。  
遙想講惟人散後。石楠花底坐啣杯。

夜泊仙梨浦

疎疎兩撲蓬。稍稍風搖柁。海鳴颶母咆。鳥黑鵬雲墮。人  
事多齟齬。舟行亦軟軛。悶同中惡醪。危比乘瞎馬。衣袖  
濕滂沱。蓬鐔殘滴瀉。洋心是似星。不知是何火。

過古竹師

新粉飛莎路。蒼雲掩石橋。門前多古竹。不雨亦蕭蕭。

題畫

樹老夕烟青。沙寒秋氣白。幽禽啄古苔。庭有他山石。

澗上小景

遙渚濛將雨。平江澹不風。浣紗人小立。波影漾驚鴻。

醜女

慵把香奩畫。黛眉鬢鬢髮。謝胭脂。曾無勺藥含春淚。  
徒有天桃促嫁期。容態不遭飛燕妬。才華應被卧龍知。  
野花縱少嬋妍色。也向東風放一枝。

首春觀中洲

何處宜行散。田間取徑過。幽叢猶臘雪。老洫亦春波。石氣同梅冷。雀聲兼竹多。高人卜居地。宛在水之阿。

春夜

新月細如眉。春雲長似帶。幽禽堪夜寒。宿在梅花外。

詠史

樸桶何曾斲。茅茨亦不剪。都俞吁。咈聲。便是千秋典。

又

君玉好駭射。機務付閹奴。射盡林中鬼。不知城有狐。

二月三日同岳師赴高橋子招

簿書堆裡占芳春。無事何妨日飲醇。支遁從來方外史。王濛不是世中人。水通城洫溪魚入。花接公門野鳥馴。好向東橋燒筍子。瓊筵誰復辨勞薪。

己未孟夏宿忍公房依孟襄陽韻

蕙帳卧山房。醒來林欲暝。客無故園思。鷓聲亦可聽。風氣忽蓬蓬。歸雲動不定。幽人去拾薪。松子落石徑。

秋懷示某生

秋聲撼地來。金鐵錚相擊。殺氣衝緼袍。凜然觸鋒鏑。栖羽倚荒寒。繁柯歸蕩滌。修竹獨倚倚。晚翠寒更滴。侵氛犯里閭。疫鬼恣凌轢。姐亞不孔云。妻孥或昏溺。焦黑舌。

離離惡寒身。浙浙將軍寧有功。國老終無績。我偶讀方書。生理細剖析。過憂傷谷神。多欲喪天德。丹竈豈須燒。黃精休復覓。氣海苟不虛。邪魔安能敵。故友久呻吟。寸心徒怵惕。吾詩亦穆如。請抵陳公檄。

岩手縣廳門外作

栗塢槐林綠幾重。橫雲中現小芙蓉。晚風吹斷黃梅雨。雪白巖天第一峰。

閉伊山中多狼。食牧場牛馬。概無虛月。村民協議

砲殺牝牡二大狼

昨夜咆哮入牧場。噬從馬脚到牛腸。北村連發旋條砲。

曉獲南山北牡狼

淡窓先生觀龍門瀑布陪從有作

飛瀑高懸老樹端。下衝巖脚作奔湍。身從驥尾遊何幸。路近龍門行亦難。水垢粘鞋生暗碧。洞雲觸袖有奇寒。惡詩謾寫廬山勝。或恐徐凝一樣看。

謁加藤侯廟

爭戰論得各奏功。鐵槍威武歷群雄。戎衣未洗蜻蜒血。軍艦已乘玄菟風。一片忠魂等楠氏。千年廟食竝管公。誰知身後無窮憾。留在金城百雉中。

送人之八丈島二首 節一

青村

月台名家詩選卷中



日治名家詩選卷中  
跂彼織女。日七襄。機中新脫雲。漢章忽被天風吹。將去  
落在海島。八丈長。八丈之島古女國。機法知從此時得。  
光紬一匹直千金。蜀錦吳綾無顏色。源郎唾手弋流虬。  
歸卧佳人乞巧樓。婉婉夢破萬兵逼。一箭射破北來舟。  
昇平好作風流吏。仙槎遙問蓬萊地。山貌水容非人間。  
摩崖高勒南遊記。將軍祠外竹相連。貢女館前花欲然。  
或獲箭鏃長盈尺。併齎機石大如拳。曉日西射臺灣赤。  
秋潮南奔呂宋白。吁嗟乎仙島雖好勿流連。海獺夜嘯  
如裂帛。

題梅軒菊池翁詩卷後依令嗣三溪氏韻

讀過新篇且歛襟。堪知一片蓋臣心。功成白髮千莖外。  
身卧青山半畝陰。諫草已焚吾事了。朝衣未典主恩深。  
間中猶滴憂時淚。豈比迂夫寄遠林。

哭林外弟

東奔西走幾星霜。三十九年夢一場。庭訓相承只忠孝。  
家聲不墜有文章。兩霑春畝苗徒秀。風撲暮林花散香。  
遺恨編修功未竣。等身史稿委空牀。

夜發鶴川

一派秋潮漲。蓼汀鶴江解纜夜。泠泠銀河倒在滄波底。  
柔櫓聲中俯數星。

曉發禿港

秋潮拍岸曉淒淒。起倚船窓望轉迷。海客捕風知有術。一帆東去一帆西。

名和公

六龍北幸鳳闕荒。七道荆榛育虎狼。笠山一戰國步蹙。白樹何人感空長。御座春寒孤島裡。行宮寂寞倚海市。故都櫻花夢魂飛。醒見蠻烟蜚雨濛濛起。島雲夜裂脫螿龍。暴颼鼓海去無蹤。名和港頭安寶劍。紫氣曉升舩上峰。帝曰長年殲滅姦兇賴汝力。長年頓首身許國。運糧構柵咄嗟辦。旗幟畫章松煙黑。滿山草木隨使令。幻

出貌貅百萬兵。敵軍蹂躪屍填谷。不假鶴唳與風聲。天狗舞前狼歿後。虎象間偷節鉞。天馬春嘶上苑風。佳人夜醉迷樓月。爭臣一去不復還。妖鳥聲悲寢殿間。櫻雲空護萬衆駕。春風吹恨滿芳山。王政有關誰補袞。徒使將士獨蹇蹇。闔門殉國臣事畢。三木一草死未晚。公與諸將相始終。勤王傳列青史中。義氣不遜楠河內。聲譽將歷結城公。吁嗟乎一片之石數行字。灑盡海內英雄淚。如聞鴨川東畔鬼哭夜啾啾。有人高梟兇徒木髑髏。

西行

銀猫直千萬。一笑付兒童。破却將軍膽。兵機在此中。

舟發浪華

野水碧於油。洋洋若不流。市聲過橋盡。一棹入河州。

讀論語 課題

曾無龍馬負神圖。舉世滔滔紫奪朱。折獄誰追由也勇。正名謾笑子之迂。狂歌一曲鳳兮鳳。慨歎千秋觚不觚。東海元來多聖主。惹他當日欲乘桴。

上嚴山

英雄餘怒及禪關。一炬當年赭了山。今日牧人仍放火。燒痕黑曳翠微間。

玉藤店同大村福田子賦

垂藤花下玉山頽。妙舞嬌歌更有杯。茶甕忽颺幽竹杪。不知別院有誰來。

讀坤輿圖誌 四 節一

白山高幾何。晶晶虛空裡。二萬八千尺。過半古雪耳。山脈盤大地。蜿蜒伏復起。譬如竹迸鞭。隔牆生孫子。巖滴四散流。終為百川水。乃知黃河源。不自星海始。

秋夜讀書

風竹遞蕭蕭。露松泫冏冏。秋齋點孤燈。繡卷入深省。聖訓浩無涯。彝德任爾秉。譬如遊春山。寧厭花徑永。纖月離雲稜。鶯禽一聲警。曉霧漸模糊。看失前山影。

府內

沿海多春茵。清芬散午風。青松朝暮露。結在白沙中。

又

淪滙始成潭。波恬風氣冷。老兵提網來。打盡長橋影。

文文山

吳鈞吞恨響鏘鏘。誰使神州委虎狼。燕子蘆花過建業。寒鴉古木吊睢陽。黃冠要戴南天日。碧血終凝北地霜。張許烈名人所慕。未聞遺履有餘芳。

岳林寺

澹澹松塢雲。翻翻栗林葉。入門塵夢醒。秋色與心愜。笏

室裊香烟。長廊響步屨。高人相問難。機鋒何敏捷。真心防馳騁。迷想歸收攝。彼岸本來無。法海不可楫。栖栖凡俗徒。爭奪在蚊睫。達人元大觀。南華說蝴蝶。

杖植

危棧難通馬。奔流不畜魚。山深有公館。村小亦城墟。林葉披雲打。邱瓜避石鋤。吏胥方挈簿。租稅入新畬。

大橋驛

地勢東瀕海。郵程北抵城。人傳太邱迹。郡揭古都名。千戶夾潮水。一橋分市聲。官船紛滿港。租稅正縱橫。

春溪即事

青村

月台寺

五

春風入古溪。送出溶溶水。波面有垂楊。斷水流復止。

星田所藏玄璞石

紅衣將軍機。亂發神禹之域。亦辨髮。毒煙所被。靡不焦。  
黑了。十有二山骨。雷斧一割。飛雲根。天風吹落。豈葦原。  
浴以東海新汲水。貯之高麗古製盆。尖者是峰。層者岫。  
窈然而深。是雲竇。玉堆紫翠。羅浮聯劍。削寒蒼。武夷秀。  
爾來轉徙三百年。吾友獲之喜欲顛。一拳貯袖。戒米老。  
仇池換畫。笑坡仙。君不聞。白黑夷鬼。又紛亂。羶鞞蹂躪。  
寧波岸。石大豈起。故山情。阿芙蓉。煙濛不。斷。

明治名家詩選卷之中

終



010190522470

48-13388

